

江上詩鈔

(二)

清顧亭憲輯

謝鼎鏞補輯



上海古籍出版社

〔清〕顧季慈 輯
謝鼎鎔 補輯

江上詩鈔

(二)

上海古籍出版社

江上詩鈔卷八十六

蔡寅斗

邑志文苑傳字芳三歸子乾隆元年薦舉宏博不領九年副貢十二年舉人授國子監助教方伯鄂文端公曾徵七都士會課春風亭與斗冠其書文名大震十七年會試卒於關中識者惜之舊有九

邑後學顧季慈心求輯

坦坦

明劉聖入景之一明末道老徐介立隱居於此

平橋跨曲池池清波潏潏沙洲聚開鵲塔影沈寒水澄碧映琴書浮光上琴几日晚坐虛亭悵然懷彼美徐高士介立

題徐爾瞻玩芳圖

盈盈檻外花楚楚階前石芳意入我懷徙倚良自適披襟迎涼颺脫帽浮大白愛此三徑寬翻嫌九州窄抗懷希靈

江上詩鈔

卷矣

清蔡寅斗

一陶社校刊

修彼美自夷憐安能厭憔悴甘與蕭艾易

晚步雨花臺

鳥飛寺門閉花落經臺空娟娟雲邊月今夕欣相逢酌泉有餘味論文心未窮如何河干棹歸流趁樵風

題沈石田秋林讀書圖

天迴淨微塵居幽豁新意何處可尋秋只此淡如寄金粟叢小山丹楓下庭砌寂歷生道心蕭爽見深致獨坐復何求得趣在道義微吟動清風飄飄入雲際我欲往從之把臂問奇字

呈陸大司成

錢塘勢三折波瀾廣以深千年孕靈秀開氣鍾儒林吾師

扶大雅鳴盛宣元音元音一朝奏裁僞兼放淫從茲識宗

派天下爲傾心

梓廬有宗工羣材交鼓舞酌雅遺稟經沛然期復古根柢苟未深枝葉焉足數心聲和以平自非俗士伍用爲先路導薪蒸徧寰宇

親生困穉旅鬱鬱常無聊何圖遇宗匠假之以羽毛情氣翻自振幸得徵名標未幾備屬吏朝夕加甄陶立身識稟程此誼蒼天高

題家季庭潞河餞別圖

往歲從南來驅車陟敗陀今年自北發揚帆舊潞河潞河當涖止夾岸氈氈柳柳絮點征衣柳條攀客手客中復送

江上詩鈔

卷矣

清蔡寅斗

二陶社校刊

客鄭重難爲別駿馬向風嘶靈風過丹穴感子殷勤意此行或時迴來日殊可愛采蘭循南陔

長相思

長相思所思在西方岐山之下無鳳皇豈無鳳皇荆棘遍野梧桐死那有竹實可爲糧忍飢卻向東南飛歲暮天寒道路長吁嗟鳳皇身有五色之文章不如鴻雁多稻粱更有燕雀紛紛共相笑笑爾特立徒昂藏長相思淚千行

題郭復齋司馬浮嵐暖翠圖

晴嵐繚繚拂秋空翠影散入深林中高低棧枰互相向娟花掩映雲霞烘得非石耶谿母乃天台路兀坐蒼苔閒脩然愜情慄塵埃滾滾空爾爲只有山光自終古我披此圖

重徘徊青袍朱履興未頹看花幾度盡成錦況復南園棠
新裁寄語山靈更遲十年後功成長嘯歸去來

夜泊錢塘用溫飛卿韻

錢塘江上舸如織洶洶寒潮捲眼色打頭十丈浪花粗風
伯作威行不得橫江四望迷雲煙風撓蓬聲如應弦舟中
震恐罷夜筵卧聽萬道驚飛泉

方來以元作及手札見寄喜作長句答之

君不見韓吏部東野奇窮相勞苦又不見廬陵公聖俞慙
悴聲調同古人難得是知己流俗悠悠何足齒他年顯晦
有異途車笠相逢無彼此嗟予偃蹇棲江皋時人貌我如
蓬蒿何當一遇文中豪漫謂磊落抑塞真吾曹推秦漢激

江上詩鈔

卷八

清 蔡真斗

三 陶社校刊

風騷淋漓縱飲傾濁醪座上相逢無俗客更有丹陽之束
聚金壇高計任助翼沈約唯量頗窄類然就醉先酣酌爾
我興發忘漏短促膝劇談還引滿或歌或泣驚比鄰何論
芸窗與旅館自此周旋年復年時人不識呼癡顛連牀聽
風雨攜手尋山川唯有一事差自信不肯偕行數墨求人
憐今歲金陵入揚屋隴山敗將羞戰北鷗軍得勝旗鼓張
巍然獨步驚南服臚唱爭傳第一人君與潘方稱鼎足昨
宵寄我閣中牘正始元音今可復我不賀君專賀天下人
要使齷齪小夫旋面目批鐙爲擊節泥飲發高歌一擊再
擊歌復歌今我潦倒當奈何出門卽畏含沙多荒江老屋
長蹉跎唯幸得與韓歐友東野聖俞甘作耦看君萬里著

先鞭對鏡摩挲冠在手

送周白民歸淮上

把酒秦淮渡相逢越二年盟心看皓魄話別憶暗川華燭
搖長夜清風散綺筵何當重分手又上木蘭船

久不得萬里鍾消息

白露蒼茫際伊人空溯洄憐余邇去茅屋憶爾客燕臺北
浦雙魚杳南天斷雁迴何時一長嘯驅馬復歸來
芳草滿湖綠與君分秋初星霜驚幾度遇合竟何如臺閣
誰投刺侯門嬾上書天涯頻悵望獨立久躊躇

送諸大申之歸里

入洛聲華甚如何憔悴歸秋風催客餐冬雪點征衣自是

江上詩鈔

卷八

清 蔡真斗

四 陶社校刊

知音少奚傷吾道非到時逢宿學謂墨打秋勝相與話柴扉

送魯秋陸先生過會稽次萬循初韻

出處原非易先生別有心所爭千古事寧感二毛侵松菊
尋盟久尊鱸得味深遙知故園信先已報靈禽
廿年瞻企切半載往還多已是歡逢晚其如惜別何歸帆
天外送遊騎客中過無限相思意悠悠繞綠波

題吟暉樓三首

兀坐無寒暑高樓歲月深芋眠香草思遼渺古人心玉塵
揮朝爽湘簾卷夕陰不關山水意別自寫清吟
性癖耽幽潔朝朝坐翠微更無纖翳染只有白雲飛古蹟

辨眞贗世情忘是非唯願許元度相與娛清暉
放眼望千載高歌最上頭一簾栖翠霽半壁挂滄洲秋水
淨如拭春暉淡欲浮數聲何處笛翻憶趙公樓

慰友人

漫道鉛華淨雕蟲恥壯夫雄心全卻否結習可能無未慰
蒼生望休貪溪谷愚知君聞勸駕對鏡笑拈鬢

和方望溪師弔展斷事公墓原韻

大節存天地高名炳史書無心依社鼠有骨葬江魚黯慘
重泉下艱難萬死餘遊魂猶望帝遺恨守臣疎

雪夜寄懷

越鳥皆南向如何尙客居比來寒正酷忽爾歲將除薪水

江上詩鈔

卷矣

清 蔡寅斗

五 陶社校刊

眞勞汝飄蓬信怡予雪窗鐙欲盡珍重數行書

遊盤山

雄奇形勝自天開遙拱神京冠八垓地勢直從滄海盡山
形還向太行迴煙雲深處迷盤谷風雨聲中嘯劍臺此非李愿

挽徐澄齋太史

倦飛孤鶴下煙霄劫外靈光見後凋海舶雲旗歸萬里謂使
經筵雪鬢侍三朝老餘充管論刪述病卜青山卧寂
寥誰爲玄亭重載酒滿江紅葉灑寒潮

尋歇馬臺舊蹟

曾聞駐蹕此城東臺在南通州寶坻縣南五里相傳金章宗駐蹕處景色荒荒入

望中野徑尙餘鷺尾翠平原無復雉頭紅蒼苔鴛瓦悲秋
雨細柳雕弓想朔風只有多情臺下水迴環猶繞舊離宮

梧桐

曲徑迴廊綠影侵疎疎一帶碧梧陰漫云吳苑牽愁切何
事秦宮惹怨深秋雨暗零遲鳳羽月華遙對識琴心與君
學得莊生術鎮日逍遙倚樹吟

錢塘懷古

去國閒關抱遠歎生平蹤跡寄恩讐如何一笑迷紅粉忍
使三言棄白頭壯氣已曾鳴寶劍丹心枉自徇純鉤請看
鳴咽胥江水只打空城日夜流伍相國

十年作計竟平吳一綫頭危爲力扶頓使蛟龍翻石窟還

江上詩鈔

卷矣

清 蔡寅斗

六 陶社校刊

令塵鹿走姑蘇鼓桴響斷秋江靜歌舞聲銷夜月孤爲訪
當時高隱處扁舟渺渺欲淩湖范少伯

風流仙更是吾師管領湖山也自宜秋水一方懷夢得月
明千里憶微之親民詎減登臨興覽物仍兼利濟思幾度
白公堤上望依然花柳拂旌旗白大傅

相者茫茫只舉肥曲高何必歎知希飄零塞北聽笳馬離
亂江東憶釣磯青瑣陳書心已爛白頭給事願全違可知
占斷羅江秀世上浮名轉瞬非羅昭謙

表忠遺觀靈臺賁販乘時氣獨超半壁摩崖嗤趙尉一
九封谷笑隗囂握將玉節尊唐朔留得丹書款宋朝割據
雄圖今已矣威名猶懾浙江潮錢寅肅

貶謫頻經萬里遙孤臣望闕意難消堤邊隱結生前友寺裏閒尋方外交花柳幾時娛旅客湖山終古屬英豪只今春曉迷離處猶有風流賸六橋蘇文忠

似識南遷運日非先生高蹈具先機白雲有意隨簷宿綠水無心送艇歸清極只看梅數點飄然唯羨鶴孤飛終南不是逃名者未許同心賦采薇林和靖

舊欲羣庭整舊疆中興動烈重新王龍宮殲敵雷霆震虎帳彈奸日月光北路已收金鑄印西治空卧綠沈槍奚囊佩得非尋樂如此江山欲斷腸韓蘄王

風閃靈旗一片紅天荒地老泣孤忠賊臣已自縛雙策大將何由返二宮白馬南來成底事黃龍北上竟無功只今江上詩鈔 卷八 清 蔡寅斗 七 陶社校刊

賡有青青柏還拱荒陵恨未窮岳忠武一從土木歎塵昏定計宮中社稷存西去楚懷空繫望南還晉惠竟忘恩乍經辛苦謀歸國又見倉黃報奪門贏得空祠頻入夢年年銅鼓賽忠魂于忠肅

秋懷八首之一
秋風拉拉振荒原一片飛沙晝欲昏共慶蒼鷹收北寺翻憐黃犬出東門金張第宅誰爲主田寶賓朋孰記恩啼鵲數聲消歇盡繁華回首不堪論

賀楊扶蒼領鄉薦
直接荆川埒樸庵大集清與高古九峯漢唐兩先生序皆擬之荆川樸庵才名久已播東南詞源滾滾通江漢風雅堂堂陋荊郢鍊就精丹工

已九割開結綠獻經三君庚子受郭雨悵望青雲慶盡誓蕭子程褐西風裏

甘泉賦就上長安觸眼奇花取次看並轡踰躐賢季札方來同車雙鏢老秦觀光爭傳祝草風流枉想像含香湛露傳自笑青衫皆著破不彈長鉞卻彈冠

贈沈確士
之子襟期誰匹儔水山佳處供遨遊孤蓬聽雨宿斷岸瘦馬踏月吟清秋香醪滿盞奈縮口唯兒不熱客盈座難低頭疎狂我苦鮮同調相對抵掌驅牢愁

和西林師感恩述懷原韻
保釐南土册良臣丰骨稜稜迥出塵賸有丹心酬聖主肯將白眼待時人三年澹泊甘吾道七郡生全寄此身政暇輟軒勤采訪矜看閣下獻籌頻

江上詩鈔 卷八 清 蔡寅斗 八 陶社校刊
吐握曾聞古相臣只今藻鑑越風塵終軍載筆推奇木司馬揮毫賦大人附驥果然名下士登龍誰是等閒身何期末照垂青睞得奉慈顏笑語頻

僑臣舊拓茅草臣分老江干混俗慮計愧探囊惟自慰居餘壁立問何人采風漫荷瑰珍目報德酬憐貧賤身指顧更需東閣選青雲勞我夢魂頻

題凡民秋原縱馬圖
短衣匹馬勢騰騫獨下西風美鬢掀才大底須傳寸管時平只合繫空韉雁銜夕照迷沙渚鵬帶黃雲沒塞垣十載

秋音頻寄道可堪靈落故鄉園

送鮑東臯師公車北上

經年化雨沐恩波一夕榮旌上鳳坡浩蕩應知前路遠徘徊無奈感懷多江南梅放驚先報薊北風高雁早過獨我書生勤盼望青雲得意待鳴珂

送徐日如還吳江

白駒無計思維繁聊解離愁醉巨羅銀燭影搖寒夜月鴻聲還續斷腸歌雲迷申浦情何極潮落胥江夢亦過把袂殷勤敦雅誼遙知後會興偏多

賀龍光秦丈公車北上

天留一代真名士力振詞場八十年龍光曾選本朝科事文淵流窮源爲八十

江上詩鈔

卷矣

清 蔡寅斗

九 陶社校刊

年來第選之冠幾度登科差李邵從今舉榜識齊賢青箱事業歸渠閣白首功名奮渭川此去蒼生咸賴手都人踴躍望如仙

鳳尾草

清園分咏

鳳尾何年拂翠痕芊芊小草跡猶存長鳴西去無消息振翼南歸有夢魂寄託只今藏石穴棲遲依舊伴桐根多君慣咏池塘句歲時江上詩長嘯聲清酒一尊

芭蕉

疊翠重陰自卷舒一般風味復何如樓頭聽雨催詩興池上臨風索草書披入文心都近細參來夢境亦成虛好攜數本供清賞蔓草藤蘿手自除

九峰師子告旋里

曠代文章伯高名字宙空典墳憑吐納丘索恣半籠放眼千年外冥心八極中扶輪偕宋玉張蓋屈楊雄蒼莽浮元氣淋漓奪化工無雙魁薊北獨步冠江東國乘勞編纂羣言賴折衷然藜天祿閣給札未央宮突過司徒掾齊驅太史公素交牽舊雨逸興動秋風祇覺君恩重非關吾道窮歸舟書畫富入座笑談通漫以人倫鑒選開小子蒙研經探虎觀聞奧闢蠶叢末學憂滋蔓淨生歎轉蓬今來依絳帳重與溯洪濛

再上溫少司成

昌期鍾柱石閒氣萃松岡妙悟包諸有清才漱泉芳聲名

江上詩鈔

卷矣

清 蔡寅斗

十 陶社校刊

揚禁苑制作播詞場獻策方終賈濡毫將馬揚趨朝晨視草出殿夕含香遂以邦之彥選爲士所望休明資鼓吹風雅待平章鑑比冰壺映衡如玉尺量金絲何隱鐘鼓白煌煌感激騰三舍陶鎔徧六堂備員瞻道範侍坐挹輝光從識調梅手儲才佐廟廊

東坡別業

垂老黃州客他鄉擬結椽當年雖折勞勝地託公傳老去詩偏健幽棲興自長至今隔湖上猶瞻墨痕香

懷人絕句

待漏清宵入玉除內官扶杖護安車白頭感切君恩未許陳情學二疏刑發任鈞臺

擬將蹤跡寄雲門垂老聲名動至尊
撒炬歸來清夢繞靈巖山下月黃昏

長洲沈歸愚

白雲淡淡水潺潺長謝春明老閉關
只有問奇人不絕扁舟載酒過虞山

常熟陳亦韓

白眼看人總不青雄心銷鑠鬢星星
自從室內無萊婦獨自天寒剔茯苓

金壇高許文

終古文章有定評眼前蝸角任分爭
東山花墅盤桓處莫爲彈棋動不平

會稽徐聖汀

春菊秋蘭意味幽更無人解此風流
邇來障扇西風裏長笛橫吹靜倚樓

山陽周白民

折柳校送友次袁質中韻

江上詩鈔

卷八

清 蔡寅斗

主 陶社校刊

勞勞亭畔送行人此際淒涼記尙眞
幾度欲攀攀未得一回惜別一傷神

小立斯須莫便行瀟瀟風雨黯吳城
桃花潭比垂楊岸翻恨汪倫情尙輕

懷友題扇頭沙汀一雁圖

蕭蕭黃葉野蘆邊形影相依只自憐
月夜低飛尋舊侶聲聲如喚隔溪船

宿呂城

纔過蘭陵又轉篷離離煙樹雨濛濛
待人刮目今安在只道當年舊阿蒙

傷春

江上詩鈔卷八十六終呂後學謝鼎銘錢夔趙榮長校字

花開花謝逐時新病裏消磨九十春
利鎖名韁都解盡只留疑案問前因
欲消萬斛舊時愁心事茫茫似水流
殘被蕭然等閒去憑他香枕自勾留

江上詩鈔

卷八

清 蔡寅斗

主 陶社校刊

江上詩鈔卷八十七

聞

詩

邑後學顧季慈心求輯
醉葉樓與交遊唱和其中王謝皆主其家與譚
論書法著有

秋夜與周南村作

澤國荒涼水接天黃花寥落更誰憐
長仇每歎陶元亮踏海空懷魯仲連
鴻雁關山飛暮雨芙蓉池沼冷秋煙
夜宿客到多相感共向清尊一惘然

遊桃源洞

斜日照深林山光雨初霽
攜筇到幽澗悠然異塵世泉聲
雜松濤石狀亂雲勢嚶嚶山鳥鳴
樹密晚風細我欲溯泉

江上詩鈔

卷全

清同詩

一 陶社校刊

源頗上白雲際靈境豈易求蒼崖且
流憩祇恐似漁郎重來難省記

立夏日琴川道中

紫燕苦營巢黃鸝善求友我行東南陌
勞勞漫奔走富貴安可求跋涉良可
醜東風自茲去送之無厄酒聽歌水上
村憩息道旁柳時事苟如此何以垂
不朽

冬日懷白下袁古香先生

我爲秣陵客牢落無人知先生獨見
許遺我元人詩高吟共欣賞請論無
倦時追隨杖履閒承以奉良規豈期
久離別不復見客輝遙鍾阜雲千里
難重期歲暮白日短天遠孤鴻飛空
懷卧雪翁高風世所稀

獨行

獨行西南陌四顧行人稀
道遠日亦夕欲止將何依
白雲入空谷烏鵲樓高枝
畏路競奔走久爲世所譏
達人固安命窮賤安足奇

重陽後作

黃金散盡頭如雪東歸海上交遊絕
青山咫尺懶登臨歎息年年負佳節
去年對菊無壺觴今年風雨九顛狂
百年三萬六千日不知還得幾重陽
世路茫茫白日促長生有藥何由服
門前雨歇午風微不如且去尋黃菊

丁巳孟冬勸建楊孫氏貞烈坊

鄉村小姑識大義義之所在死不避
從容一死成令名頓

江上詩鈔

卷全

清同詩

二 陶社校刊

使鬚眉默含愧九重忽降五色書
建坊表烈旌門閭雙親哭罷復含
笑行人噴噴還欷歔君不見大臣報
主身不死坐看亡國唯飼猪

弔海烈婦

紅顏慘澹嬌無倚江河飄泊隨流水
怪殺樊籠巧計深高飛無力蛾眉死
蛾眉一死雪沈冤玉骨無瑕葬九原
晉陵城西月華白清光千古照冰
魂君不見古今粉黛多朱門不重堅
貞重顏色鈔鈔寧似鐵芙蓉一枝冷
豔凜霜月

雪宿書感

風雪春猶作憑闌一悵然梅花寒
徹骨柳絮白漫天空有登山屐曾
無訪戴船袁安獨無事閉戶只高眠

雨中遊香山

南陌草萋萋池塘水拍堤雨深花意嬾煙重柳絲低春溼
鷗相狎幽林鶯亂啼山茶何處是腸斷畫廊西

題鹿苑真武樓壁

閑道重陽日羣公此倚樓雲低江樹遠風急海天秋鹿苑
已陳迹牛山空淚流我來何較晚憑眺思悠悠

不寐

竹里涼風起蕉窗暮雨過加餐知病減不寐覺愁多舊夢
寧堪記孤懷漫作歌夜深眠更起倚杖看星河

漁莊阻雨

西北浮雲起斜陽淡欲昏風吹江上雨客到水邊村小艇

江上詩鈔

卷全

清閨詩

三陶社校刊

醉初熟疎籬菊尚存主人能好客日夕醉瑤尊

戊午除夕

歲逐豪華去停杯思不禁貧來嘗世味老至息機心窗外
梅初放庭前雪已深地爐松火暖獨坐更微吟

春日懷潘須程宗魯

結客黃金盡懷人白晝遲關河千里別雲樹十年思池上
空留墨山中憶采芝何時重握手日夕醉瑤卮

夜雨

夜雨滴清響臨秋思不禁海棠憐砌畔蕉葉聽牆陰無事
成枯坐多情感獨吟一爐香未盡寂寞對瑤琴

九日同經傳劉先生登香山

欲訪千秋勝同來蕭寺閒靈根還自古荒草倩誰刪倚檻

頻翹首披圖一解顏徘徊撫徑下明月滿空山

孤山放鶴亭

欲理西陵棹先登放鶴亭石危敲曲檻梅老倚寒汀一水
明於鑑羣峰翠作屏高風何所挹託想入青冥

岳忠武墓

一自班師後中原竟陸沈旌旗誰北向烽火獨南侵遺廟
空山裏豐碑古木陰惟餘湖上月萬古照丹心

秋塘晚興

木末秋風勁敗塘落葉多芙蓉開暮色鷗鷺狎清波道狹
披榛入溪深撥棹歌鄰家黃菊放此樂復如何

江上詩鈔

卷全

清閨詩

三陶社校刊

寒夜不寐與譽兒共成一律

聽雨天難曉含愁夢不成久陰連半月永漏過三更病客
寒先覺征鴻夜獨鳴吾衰復何望賴汝振家聲

白下次董正誼守戎秋感元韻

寒砧落木遞相催秋入屠城畫角哀疎柳晚煙桃葉渡斷
鴻斜日鳳皇臺江湖有信朝還到山雨無情夜自來惆悵
十年常作客故園辜負菊花開

西湖

清波門外水如天好趁春風放畫船三月飛花輕逐浪六
橋垂柳道含煙壺觴與客同攜酒歌咏從人和扣舷日暮

扁舟繫何處孤山明月夜娟娟

與許蕉軒話舊

落魄書生與亦僥相逢且復醉今宵風流讀爾居名士疎
嬾慚子負聖朝杯底月明浮竹葉窗前風急響芭蕉此生
已有終焉計早入青山伴莖樵

送楊武屏北上

朝來別騎駐江干莫向離尊一黯然蜀國雄才利奏賦燕
臺明詔正求賢岸迴樹色黃河曲山咽蟬聲古驛邊他日
瀛洲倘相憶釣舟遙隔五湖煙

送勇樹勳入雍

西風驛樹噪秋蟬分手離亭路幾千兩漿漫撥淮口月一
鞭遙指薊門煙周家禮樂鳴全盛漢代文章繼昔賢此去

江上詩鈔

卷全

清同詩

五陶社校刊

若蒙前席問江南雨露正無邊

送友人入都

長堤征馬綠陰稠千里金臺此壯遊吳楚江聲行處盡燕
齊山色望中收文星高映仙門曉玉露新沾御苑秋館閣
羣公總才俊待君簪筆鳳池頭

寄贈洞庭李明達先生

寄跡湖山樂自如莫釐峰下認幽居閉門久避千名客載
酒仍多問字車笠澤煙波漁唱晚洞庭霜月樹聲初秋來
應有登臨興分付山童辦竹輿

四十自述乙巳

歲月駸駸鬢易斑蹉跎應悔少時頑謀生有道差彈鋏玩

世無心欲閉關滿院新陰春後樹一樓晴翠雨餘山清時
遂此幽居樂獨對殘編盡日閒

送江素庵歸里

芙蓉江上雨蕭蕭越水吳山去路遙楊柳漸長離思切
醺初熟客愁消煙浮笠澤朝移棹月落桐廬夜聽潮有約
清秋重攜手爲留叢桂好相招

訪杜康宅

江上春城入畫圖東風楊柳聽提壺小橋漫喜芳名在舊
宅空餘野寺孤寂寞園林多鳥雀蕭條門巷半蒼蘩仙靈
不遠廬相識我亦高陽舊酒徒

五十自述乙卯閏四月朔

江上詩鈔

卷全

清同詩

六陶社校刊

五十年來一嬾翁形如槁木鬢如蓬綠溪事業桃千樹遠
徑生涯藥幾叢鳳曆恰逢眞誕日芍闌還對舊春風江南
此日多櫻筍好醉香醪小苑中

夏日漫興

吳山楚水路茫茫倦客歸來鬢已霜潦倒不妨人共棄疎
慵直與世相忘風前楊柳垂低戶雨後莓苔上短牆卻喜
閒居無一事北窗明淨竹陰涼

五月十六日宿夏氏書齋

紛紛狐兔擾巖棲不放閒雲戀翠微十里斜陽人困倦一
窗明月夢依稀劍鳴匣內心猶壯金盡牀頭事已非明日
綺山山下路風塵滿目淚沾衣

時有蓬萊
雨觀之役

枕上

秋風蕭瑟吹布帷
盈盈蠟淚旋成堆
繁華已逐豔歌歇
歲月任教衰鬢催
徹夜蟲聲何瑣碎
到窗月影空徘徊
愁人不寐獨長歎
鄰叟醉眠聲似雷

秋晚集尊道堂呈王西澗侍御

一卧滄江二十年
半生深得水山緣
元真歸隱仍垂釣
曼倩爲郎本是仙
看竹路經紅葉寺
登樓人倚白雲天
瀟湘莫道無歸興
已把琴川作剡川

琴河旅思

澤國寒生歲月遷
紛紛風雪更連綿
牽蘿未補山中屐
載酒空留郭外船
古塔鈴聲清似語
高城風氣冷和煙
晚來

江上詩鈔

卷全

清周詩

七 陶社校刊

自笑無他事
獨擁寒衾一醉眠

閏九月登高

尊道堂社集題

林皋木落一峰寒
取次登臨興未闌
雲冷始知山骨瘦
秋深猶覺帽圍寬
清尊對客頭俱白
烏柏經霜葉已丹
唯有多情籬下菊
尙留佳色得重看

春日至涇里

老去無家似轉蓬
扁舟聊復繫牆東
離情十里空山碧
暮色千林落照紅
收拾殘編遺教子
安排茶竈試呼童
故人若問吾居處
借得花開半畝宮

寒食途經舊遊

五里青山七里溪
朱樓遙隔畫樓西
人如燕子年年別
路

入桃源處處迷
小院春深花自好
平林日暮鳥空啼
多情最是門前柳
萬縷千條向客低

暮春過東園

東園春事未闌珊
倦客重來倚杖看
幾樹好花還綽約
一林修竹自平安
荒畦旋闢成幽徑
卷石新移作翠檻
若許扁舟數來往
花閒常得話清歡

初夏至小市值嚴子御賓同歸山館

櫻筍盈街花滿園
相逢張緒正青年
論文未醉金尊酒
試茗先烹玉井泉
溪澗風微生細浪
林巒日落起蒼煙
月明那肯輕言別
更向前村看杜鵑

己未除夕

江上詩鈔

卷全

清周詩

八 陶社校刊

去歲園林聊寄跡
今年村舍獨棲遲
人如老衲隨緣過
家似扁舟到處移
雪灑蓬門寒易入
春浮椒酒醉何辭
膝前稚子偏能事
解插茅簷松柏枝

乙丑春余年六十矣碌碌無成聊以自述

南山晴雪燦如銀
日照茅簷曙色新
蕭寺路遙僧過早
草堂茶熟客來頻
孫曾戲核爭佳果
姜作羹湯鱸素鱗
醉倚窗前看庭樹
梅花已發一枝春

春遊紀事

春水溪頭白板扉
一堤楊柳思依依
園亭日暖桃花笑
簾幙風輕燕子飛
歌起誰家吹玉笛
香來何處襲羅衣
武陵咫尺仙源近
莫放扁舟容易歸

上內翰杜雲川先生

玉堂蘭省老詞臣，思許溪山作隱淪。一代才華蓬盛世，千秋風雅屬高人。僧廬試茗松窗午，漁艇投竿柳岸春。爲問朱門何處是，浣花溪上水潏潏。

題榮鍊師雲逸山房

風馭歸來已倦遊，閒雲占斷碧山頭。千重樹色當窗見，一片湖光拂檻流。丹井泉香人不識，戒壇松老鶴常留。石闌干外蓬萊近，笑指仙家十二樓。

倦遊

迢遞天涯行路難，風塵無復跨征鞍。爲郎自歎馮唐老，去國誰憐范叔寒。小圃雨晴閒種菜，幽溪水漲漫投竿。此生

江上詩鈔

卷全

清閨詩

九 陶社校刊

已是成虛度，不向空門問蠟燭。

次錢兆成水竹居原韻

花滿園亭香滿廬，數椽雅稱逸人居。林閒嘯咏來袁粲，江上煙波屬李漁。只許盟鷗閒作侶，不勞馴鶴遠傳書。先生自是忘機客，靜對遙山意澹如。

初冬偶作

歲月忽云暮，霜威漸逼人。那知東嶺上，梅蕊已生春。

來青閣對雪

風雪江天暮，寒雲凍不開。隔溪春信早已送，暗香來。

春日偕周南村登君山

隔岸孤山小，連天一水長。吳君坐危石，揮麈話滄桑。

寒日拜宋雙溪墓

醉酒荒丘上，潸然淚自傾。半年生死別，草色又清明。

送江素庵靈樞後雜憶詩十首 錄二

魂斷家千里，舟橫水一隈。君靈欲話別，應向夢中來。

路盡東吳地，江鄉西子湖。旅魂歸去急，不暇訪林通。

聞重陽自鹿苑登茯苓山楊舍城至龍山雜咏

寒山雖小近滄溟，曾有仙人刷茯苓。今日登高舒醉眼，碧雲無際海天青。

五峰遠在白雲鄉，獨倚孤筇道路長。到處登臨君莫笑，百年難得閨重陽。

小春喜錢雲溪見過

江上詩鈔

卷全

清閨詩

十 陶社校刊

雲掩寒蟾冷不開，蕭蕭暮雨溼蒼苔。連牀欲話平生事，不許梅花入夢來。

咏杏

梅粉飄殘柳褪黃，數枝紅豔不勝芳。玉樓自有如花女，醉倚朱闌鬪靚妝。

七夕

銀漢西斜月似鉤，年年乞巧上層樓。那知老去都成拙，空向天孫歎白頭。

雪窗雜憶

紛紛風雪滿山村，僵卧袁安獨閉門。記得雪中披鶴氅，三山樓上醉瑤尊。

山鵬

露溼啼痕夜氣清那堪相對月三更春光九十今無幾腸斷朝來杜宇聲

飛來風

宋玉牆邊盡是苔丹山何事卻飛來飛來莫使還飛去好把梧桐著意栽

春盡日

老去心情畏別離忽逢春盡蓋淒其客窗一夜愁多少唯有東園杜宇知

客窗雜感

滿地蒼苔靜掩門落梅風起又黃昏銷愁知是無他物強

江上詩鈔

卷全

清同詩

士陶社校刊

飲燈前酒一尊

杏花枝上露初乾日射紅芳照粉垣燕子不來春社近空

聞啼鳥滿東園

庭苑深沈花正繁曉風吹雨送春寒海棠已作傷心樹莫

向花前更倚闌

草色青青沒燒痕輕陰漠漠暗江村故人只在春山下細

雨斜風空斷魂

村居

風雨蕭蕭午夢驚窗前有客對楸枰一生自笑無贏局數著殘棋莫更爭

春盡日書歎

數叢苦竹野塘灣幾樹藤陰落照閒此夕莫嫌春去速春風原不到深山

山窗雜咏

樓前一畝盡琅玕時有幽人此共看羨殺山禽與溪鳥也依修竹借平安

密竹
梧禽

北望溪山朔雪寒層巒隱隱玉龍蟠分明一幅衡山畫祇許詩人醉裏看

遙山
松雪

題蟻磯孫夫人廟壁

永安日落彩雲沈腸斷當年報漢心今日英風還可見殿前戈戟冷森森

釣渚渡感事

江上詩鈔

卷全

清同詩

士陶社校刊

煙波淼淼苑山低望裏汀洲草色迷記得暮愁湖上客滿天風雪過梁溪

香山八詠

選四

帝子樓臺事已空畫闌無復倚春風無情豈獨臺城柳試看山茶一樹紅

山茶
梅

空谷雲深石徑斜春來繞屋盡梅花若非仙令旌陽宅定是孤山處士家

梅花
莊

一泓清淺浸雲根草沒煙蕪春復春莫怪香泉名未著山中誰是品泉人

香水
潭

陂塘水淨碧於蘿堤上遊人看白荷願買蘭橈泛清渚扣舷高唱采蓮歌

白蓮
村

閏七夕

經澗晴雲日午天詩家雨度曬殘編腹中莫笑空無物還擬庭前向日眠

百尺朱樓小院東玉人和月倚簾櫳幾回自看纖纖玉指上桃花未褪紅

初夏雜興

綠樹陰陰靜掩門小庭無事對斜暉春歸不帶春愁去欲盡牀頭一甕雲

陳

培字正亭均弟康屬末人著熱男紀遊一卷梓行

送到復初歸溫陵

錦田有良玉輝彼螺江濱君子重嘉修執此以持身兢兢

江上詩鈔

卷全

清閨詩庫 增 三陶社校刊

懷圭玷太璞返天真抱此廊廟質被褐走風塵相逢重游俠空囊不厭貧三年共晨夕風雨各評論妍媸貴自別慚彼嫫母壘我亦嗟寥落與子乃同倫相知方共賞胡堪賦歸輪卓哉孝與友所重在天親無計咏繁維懷璧返八閭我爲離羣惜折柳在河清

夜泊毘陵

燈火毘陵驛停橈古渡頭西風河畔柳夜月酒家樓高誼叨知已離情賦道遊蕭然攜一劍來附李膺舟

奉和秋巖孔表叔河村十景原韻

環村橫疊嶂位置出山靈拂几朝迎爽連岡暮送青門無車馬駐地有草花馨四壁煙霞合伊人在畫屏

四山拱揖

亭臺傍流水衝激此分隄南港潮連北東灣鑿入西碧湍雙瀉急春雨半簫齊明鏡光澄徹水夾明鏡洋洋樂此棲

雨後

隄柳春風淡鶯歌咽曉煙只因喉舌巧不讓鷓鴣先金線慵拋纖清音善取憐畫橋飛絮處宛轉復輕圓

映几分槐綠鳴蟬噪夕陽居高流恨遠身小寄音長雙翼牽風薄一枝滴露涼脫然去濁穢雅調自悠揚

墩昔金鷺集今餘雪一丘寒光連凍積素影逐煙浮郭和歌原寡山陰願未酬何時再翔集無異玉山頭

榮榮河畔火村犬隔籬卑插竹霜初落持燈月未高西風來郭索北渚冷波濤香稻新成釀盤飧足蟹螯

江上詩鈔

卷全

清閨詩庫 增 三陶社校刊

湖水連南浦雲帆天際來曉煙迷小艇暮雨隱輕雷一葉隨流泛千層撥浪開葦葭浩淼處遐眺足徘徊

西洋烟水闊遠近盡漁歌網聚因湍急篷開逐浪多秋風黃葉清暮雨綠蘋蕪市酒憑魚換呼朋醉澤陂

河干尋舊迹涸渚肇靈奇玉乳開天竅清流忽地滋烹茶全亦取品味羽應知井汲無煩鑿福綬良在茲

皓魄臨流水登橋望倍明光寒千里白影映一環清玉宇空無翳嫦娥似有情憑闌一惆悵秋思爲誰生

得家信

四月十五日王坤寄到

接得家書至開函不忍看母妻艱事畜兒女困飢寒客路五千里鄉思一萬端憑誰訴衷曲永夜發長歎

雜揚懷古

秋風禾黍夕陽低一望蕪城草色迷
瓊館只今誇露采錦帆自昔恨煙隄
雲翔白鶴空遺跡夢覺青樓憶舊題
回首可憐花柳地雷塘荒廢鳥還啼

抵京

疎柳西風易水寒蕭蕭一騎入長安
嵯峨鳳閣連雲聳飄渺烟花帶月看
驅轂市塵逼百貨朝天車馬擁千官
金臺僅有燕昭跡山野空彈貢禹冠

重陽後六日家太史泓兄署中觀菊兼呈高矩亭

龍山未遂登臨興官署仍依籬畔香
淺碧叢中舒晚色深紅隊裏傲微霜
花枝爛若金蓮猗詩思清同玉漏長
吟咏

江上詩鈔

卷全

清陳培

去陶社校刊

更逢高季迪客窗重與醉莫觴

錢塘懷古

臨安煙水碧澄澄洗盡繁華感廢興
粉黛沼吳空祕計衣冠延宋賸荒涼
謫居蓬島題觀察元張翥浙東觀察以宅
傲樂天詩我是玉皇香
案吏滿居舊
得往蓬萊遺恨朱仙誤宰丞倚棹無窮今古思
六橋梅

柳覆寒冰

遊飛來寺

何年何處飛來寺今日巍然俯峽流
花鬘雨絲苔徑溼幢搖雲影梵宮幽
猿歸不用僧呼洞雁遠空教客倚樓無
限烟波南越地一番登眺起春愁

依韻答匡堯臣

行隨雁影度蠻鄉蓮幕文書愧贊勳
酒怯炎方非量減花

經瘴嶺似情忘一年客思殘雙鬢萬
里離愁託短章珍重故人題尺素爲
言老母近粗康

次鈕大苞如韻祝耿帖翁名龍字青升
號帖雲邑人

巍然嵩嶽映文昌胸有驅珠筆有芒
師事幾曾窺入室友呼猶自愧升堂
杜陵意氣高夔府賢傳才華重洛陽
嶺表名山盡仙窟禽看萼綠捧霞觴
時同在粵東學幕

春風初拂鳳皇皇城怡值稱觴豁旅
情文筆直追韓吏部衣冠猶滯魯諸
生今批絳燭三更火舊著蒼書千載
名自古聖明需碩德蒲輪早晚下神
京

惠州道中元宵康熙四十
六年己亥

江上詩鈔

卷全

清陳培

去陶社校刊

去歲南昌晚棹遊今年佳節又循州
天涯知己杯中物眼底鏗花夢裏愁
兩部更傳蓬艇鼓一輪月近酒家樓
恩惠底事成飄泊羨爾忘機水上鷗

過高唐

馬上未醒茅店夢僕夫指點到高唐
繚駒遺響今猶在昨夜琵琶歌繞梁

灘行口號次韻

溪光山色望中開怪石參差逐浪迴
兩岸春風笑桃李扁舟已過碧峰來

欲寫煙波墨未成潺湲噴雪聽溪聲
吟情多在雲深處極目滄江路幾程

林巒疊翠萬重深烟雨南來別樣新爲愛溪邊好風景帆
檣如在畫中行

江上詩鈔

卷全

清陳培

七 陶社校刊

江上詩鈔卷八十七終邑後學祝廷華謝鼎銘章作霖校

江上詩鈔卷八十八

邑後學顧季慈心求輯

徐

崑

世沐張格子字瑛瑜號西齋增生雍正三年父
之叔也昆山人所公奔喪赴粵遂卒年三十三當父
通去起人往滇向黃撫撫公貸金償虧及返而

過嚴子陵釣臺

子陵祠下暫停舸哀至常將哭當歌憶自去年曾此謁那
堪今日復相過臺餘殘照全青草碑卧荒邱半土坡萬里
奔喪吾職分徇憐堂上髮皤皤

冒雨過常山

夜宿常山城曉行常山道大雨不時至途間盡水湧驅車

江上詩鈔

卷八

清徐崑

一 陶社校刊

向前行泥衝亦雨冒迤邐三四里勢急如傾倒前山隱雲
霧欲望嗟矍眊但聽巖壑閉雷聲走飛瀑溪流迅若駛衝
激頗兀昇曲折溝澮中盈滿驚浩浩同行兩三人相與發
歎悼蕭條行李困淋漓陰雨膏衰哉行路難那得不悵悵
回視衽前麻我亦罕乾燥

渡浙江

浙江之潮來海門奔騰千里泥沙渾滔滔滾滾勢難遏排
空而至昏朝瞰浮山漁浦相夾峙洄湊激射飛濤欺雷霆
走銳撼鐵柱根崖崩豁搖乾坤鼉鼙縮頸不敢過蛟龍欲
上愁波翻我來舂舟渡江走潮平岸闊迷高原須更揚帆
一徑去馮夷息怒忘呼喧微雨霏霏散雲霧道山煙鎖西